

# Opioids – kiskêyihta ayiwâk ita [alberta.ca/opioid](http://alberta.ca/opioid)

## tânisi kê-isi-kâhtinaman wîchitowin

mistahi nanâtohk ohci tânêhki awiyak kika-nitawêyihitam wîchitowin kâ-otinamihk maci-maskihkîsisa, êkwa mistahi itakonwa ta-isi-wîchihit awiyak.

wîchitowin anima môy itwêmakani kiya âhpô awiyak kâ-kiskêyihmat poko ta-pôni-âpacihtât êkây kîspin êkosi kinitawêyihâtên. asici mîna môy katâc ta-otinikot opioids kâ-itamihk, âhpô kotaka isi kîkwây kâ-mâyi-otinahkik, ta-isi-mâmitonêyihitamihk ta-kâhtinamihk wîchitowin.

kîspin otinaman mâci-maskihkiy, êkay pêyako-otina. sêwêpicikê ita 911 kîspin kititêyimâw awiyak ê-osâmi-otinahk maci-maskihkîsa.

## kîspin kititêyihâtên ê-osâmi-otinahk maci-maskihkîsa

kîspin kiya âhpô awiyak kâ-wîcêwat âpacihtâyêko maci-maskihkîsa êkwa kîspin ôhi ayâyêko ê-isi-môsihtâhk:

- nisihkâc ê-yêhêyan âhpô môy kiki-yêhên sôskwâc
- ê-sîpihkônâkwahki kaskasiyan êkwa/âhpô kicônisa.
- ê-atohoyan âhpô ê-pwâkomipayiyan
- ê-kitowêyakamipayiyan
- kaskasiya ê-kawaciyan êkwa ê-âpwêpayiyan
- môy wî-waniskâw...

sêwêpitamawik 911

- kîspin êkây ayâyani naloxone, wîch ta-isi-yêhêt isko maskihkîwiyiniwak takohtêtwâwi
- miyi naloxone cîstahikêwi-maskimot âhpô Narcan siskopâhcikân oskiwanihk kîspin ayâyani
- wîch ta-isi-yêhêt isko kâwi ana ayisiyiniw mâci-yêhêci kâwi kîhtwâm
- pêho isko takohtêtwâwi omaskihkîwiyiniwak

## kâhtina Naloxone

Naloxone anima maskihkîsisi kikâ-kî-âsêpitam môsihtâwin aciyaw kîspin ta-kî-otinamihk opioids, tâpiskôc Fentanyl, kîspin sêmâk ta-kî-miyit êkwa mwêstas ta-kitâpamiht maskihkîwiyinînâhk ita.

---

Naloxone kîkâ-kî-mâwacitam pimâtisiwin. pimohtatâ Naloxone maskimot itê kîspin wî-otinamani maci-maskihkiy âhpô kîspin awiyakak kâ-wîcêwacik âpacihtâtâwî maci-maskihkiya.

Naloxone maskimota môy kîkwây itakihtêwa. môy katâc ta-wâpahtihwêyan awîna kiya âhpô môy katâc kika-ayâyan maskihkiwasinahikanis.

sêwêpicikê ita 811 ta-misakaman ita maskihkîsiwikamikohk âhpô pimohtê isi ita maskihkîsiwikamikohk cîki kiya ka-ayâyan. âhpô kitâpahta anima okiskinowasinahikanis ita mâmahtâwi-âpacihcikanihk ita <http://www.albertahealthservices.ca/info.Page15586.aspx>.

## nanâtawihowina êkwa nanâtahowikamikwa ita Alberta tipahâskânihk

Opioid nanâtahowina ihtakowak ita maskihkîsiwikamikwa (ita ohci Alberta Health Services) êkwa piskihc kâ-ihtakoki maskihkîsiwikamikwa. ayâwak nanâtohk nanâtahowina, tâpiskôc kâ-isi-kâhtinamihk methadone âhpô Suboxone êkwa kakêskihkêmwina.

kîspin ayiwâk kiskêyihamowina kinitawêyihên opioids ohci êkwa tânitê kîkâ-kî-miskên nanâtawihowin, sêwêpicikê 811 ta-pîkiskwâtacik Health Link kâ-itamihk.

ka-miskaman itê kâ-astêki ôhi nanâtahowikamikwa, kiyôkâta <http://www.cpsa.ca/physician-prescribing-practices/methadone-program/methadone-clinics-alberta>.

## kwayaskohtowin

### Opioid

Opioids anihî maci-maskihkiya ê-âpacihtâhk ta-âstêhikot wîsakihci awiyak. ohcitaw ômisi âpacihtâwak ôhi:

- codeine
- oxycodone
- methadone
- hydromorphone
- fentanyl

Opioids kîkâ-ohotêmakahki pharamaceutical-grade êkwa kîkâ-kî-miyik maskihkiwasinahikanis maskihkiwiyiniw êkwa omanisikêwak. maskihkiwasinahikanis opioid kîkâ-kî-maci-atâwâkêwak cawayâsinâhk. ôhi kîkâ-kî-“manisikâtêwa” âhpô ê-masinahasocik kotaka isi ê-itakonikâtêki maci-maskihkîsa, asici mîna fentanyl.

### Fentanyl

Fentanyl anima sôhkêpayin, môy kîkwây kîkî-pason êkwa môy kîkî-kocispitên ê-môsci-osihtâhk maci-maskihkiy kékâc niyânômitanawâw âhpô mitâtahtômitanawâw ayiwâk sôhkêpayinwa ispihci morphine kâ-itamihk. êkây kâ-wiyasiwâtamihk fentanyl môsci-mêkiwak ta-kakwê-miciminamihk kwayask wîsakîwin.

---

cîsikâtamwak ê-môsci-osihtâhk fentanyl ê-pihtokwatâhk akâmaskiy ohic, ê-itakonamihk kotaka maci-maskihkiya êkwa atâwâkêwak maskihkîsa isinâkosiwak, wihkimâkwahon isinâkwon êkwa wihkimâkwahon ê-oski-osihtâhk kotak maci-maskihkiy (tâpiskôc cocaine, crystal meth, êkos îsi itowâhk).

nêwo ihtakonwa fentayl êkwa iykohk anima kikâ-kî-nipahêw okîsi-ohpikiw.

### **Carfentanil**

Carfentanil anima opiod maci-maskihkiy mitâtahtwâw-kihci-mitâhtomitanaw ayiwâk sôhkêpayin ispihci morphine êkwa mitâtahtwâw ayiwâk sôhkêpayin ispihci fentanyl. môy anima wiyasiwâcikâtêw ta-âpacihtamohiht ayisiyiniw, mâka ê-âpacihtâhk ta-cakâhk wêtahoht misi-pisiskiw kwayask kê-âyici-kanawâpamiht, tâpiskôc misi-pisiskiwak elephants ka-itihcik.

pêyak kicikânis kikâ-kî-nipahêw okîsi-ohpikiw.